

Visoki predstavnik i specijalni predstavnik EU se sastao sa njemačkim ministrom odbrane



“Bosna i Hercegovina je u proteklih 13 godina postigla veliki napredak u obezbjeđivanju sigurnog i okruženja za sve svoje građane. Ovaj uspjeh je u velikoj mjeri rezultat angažmana NATO-a i Evropske unije u zemlji i njihove stalne pomoći Oružanim snagama Bosne i Hercegovine i drugim relevantnim vlastima u Bosni i Hercegovini”, rekao je visoki predstavnik i specijalni predstavnik EU Miroslav Lajčák njemačkom ministru odbrane Franzu Josefu Jungu danas u Sarajevu.

Lajčák je naglasio da svaka odluka o budućnosti EUFOR-a treba biti utemeljena na cjelokupnoj procjeni situacije u zemlji te uključivati i razmatranja vojne i političke situacije. “Evropska unija je uložila veoma mnogo da bi osigurala stabilnost u BiH te moramo osigurati da ne postoji bilo kakva mogućnost da bilo koja strana poništi napredak postignut do sada”.

Evropska unija je u nekoliko prilika proteklih sedmica ponovila svoju opredijeljenost prema Bosni i Hercegovini, dok su zemlje članice EU trenutno fokusirane na očigledan zastoj u reformama u zemlji. “Krajnje je vrijeme da lideri i članovi parlamenata u BiH ubrzaju reforme neophodne za evro-atlantske

integracije", rekao je Lajčák, izrazivši žaljenje zbog činjenice da nedavna upozorenja institucija EU i glavnih gradova zemalja članica EU još uvijek nisu inicirala osjećaj hitnosti među zvaničnicima u BiH koji odlučuju u vezi sa ispunjavanjem zahtjeva Evropske unije.